



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Titulus XI. Quomodo interpretanda Privilegia?

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

REGULA V.

Exemptio ab Ordinarii Jurisdictione non efficit, ut si Exempti publicè delinquent, vel Privilegiorum metas transgrediendo, vel non concessas Immunitates sibi vindicando, ab Ordinario corrigi ac coerceri nequeant.

C. 10. II. De Privil.

REGULA VI.

Quidquid sit contrà alicujus Privilegium, ab alio, quam ab eo, qui Privilegio renuntiare vel derogare potest, rescissioni obnoxium est.

C. 10. De Elect.

REGULA VII.

Cessante Causâ Privilegii, non cessat jus acquisitum illa durante.

C. 6. De Excomm.

Hinc, Impubes, qui incidit in Canonem, *si quis suadente*, absolvî potest ab Ordinario etiam post pubertatem. Idem dicendum videtur de Religioso, qui post lapsum in hujusmodi Excommunicationem, & ante obtentam illius Absolutionem invalidè Professus declaratur, atque ex Regulari Statu egressus, ab incuria Excommunicatione absolvî petit.

REGULÆ RATIO: In Casu isto non attenditur tempus, quo Absolutio petitur, sed tempus, quo commissa est culpa.

REGULA VIII.

Privilegii Autoritas circà rem in ea contentam, contrariae Testium Depositioni, circà eandem rem, præferenda est.

C. 13. De Præscript.

REGULA IX.

Ut inanes rejiciuntur Litteræ Privilegiis contrariae, nisi de iis mentionem fecerint.

C. 20. De Sent. & Re Jud.

REGULA X.

Non retractatur Sententia Privilegio adversa, ob repertum postea Privilegium, secùs, si ex negligentiâ Procuratoris ostensum non sit.

C. 21. De Sent. & Re Jud. C. 2. De in integr. Refut.

REGULA XI.

Privilegium, contrà quod sciens Judex judicat, tanquam reprobatum habetur, fitque nullius vis, si irreformabile sit latum judicium.

C. 21. De Sent. & Re Judic.

REGULA XII.

Privilegium non derogat Conventioni, nisi de illâ mentionem faciat; idem de omnibus dicendum, quæ in facto consistunt.

C. 3. De Decim.

REGULA XIII.

Pendente circà Privilegium lite, Qui in illius est possestione, in eâ relinquendus est, usque ad Definitivam Sententiam.

C. 1. Ut lite pend.

REGULA XIV.

Privilegium post Prescriptionem inceptam obtinetum, illam inutilem facit.

C. 19. De Präscr.

REGULÆ RATIO: Vel enim consummata est Präscriptio, quandò obtinetur Privilegium, & tunc ipsa Privilegii imprecatio Präscriptioni renuntiatur; vel non est consummata, & tunc imprecatio Privilegii interrupitur Präscriptio.

TITULUS XI.

Quomodo Interpretanda Privilegia?

Ad dilucidam hujus Quæstionis solutionem, supponendum inter Privilegia, nonnulla esse, quæ Nemini præjudicant; quadam, quæ Concedenti tantum sunt onerosa; alia, quæ aliis, quam Concedenti nocent; alia denique, quibus restituitur Jus Commune per Derogationem Consuetudini huic Juri contrariae.

REGULA I.

Privilegia Nemini nociva, vel soli Concedenti, sunt largissimè interpretanda.

Hinc, Beneficium Principis est largissimè interpretandum. Cap. 16. De Verb. signif. In Beneficiis plenissima est interpretatio facienda. C. 22. De Privil. Idem dicendum de Privilegio Jus Commune partim restituente. C. 18. De Verb. signif. Idem quoque de Privilegio Divino Cultui favente. C. 30. De Privil. Hinc de his Privilegiis intelligendum est, quidquid de favorabili Privilegiorum Interpretatione in Jure Canonico habetur: idèoque ad illa non extendendum, quod circà strictam Privilegiorum Interpretationem mox collecturi sumus.

REGULA II.

Privilegia Aliis, quam Concedenti onerosa, strictè interpretanda sunt, atque, quoad fieri potest, refringenda; idem dicendum de Privilegiis utilitati publicæ contrariis.

C. 16. 17. 18. 19. De Privil. C. 41. De Conc. Præb.

Hinc Privilegia ad Jus Commune revocanda, sive quod eodem recedit eo sunt interpretanda modo, quo à Jure Communi minus recedant. C. 18. De Censu. C. 31. De Privil. C. 6. De Confuet. C. 10. 19. De Privil. Cap. 30. De Privil. Cap. 17. De Verborum signif. C. 7. 8. De Privil.

Hinc Privilegia ista de Casu in Casum, de Personâ in Personam, de Loco in Locum, de Re in Rem non sunt extendenda. Hinc non censetur concessum, nisi quod in Privilegio exprimitur. Hinc Clausula, *Salvo aliorum jure*, censetur subintellecta, nisi aliis fiat inutile Privilegium. Hinc Privilegia, quæ à servando Interdicto in parte eximunt, sunt refringenda, quantum patitur Privilegiorum Textus.

REGULA III.

De sensu Privilegii ex illius tenore judicandum.

C. 9. De Sepulturis docet, quod in quibusdam Privilegiis Clausula *salvo aliorum jure* apponi solet. Præterea in plurisque Privilegiis, quæ in Corpore Juris clauduntur, inferta est, unde inferre fas est, illam subintelligi, cum non apponitur.

REGU.

REGULA IV.

Ecclesia non censetur Exempta ab Ordinarii Jurisdictione ex eo, quod Ecclesiae Romanae Censum solvat; nisi in Instrumento Census illum in indicium libertatis percepta solvere dicatur. C. 10. De Privil. in VI. quæ Clausula denotat plenam Exemptionem, nisi subjungatur concessæ quoad unum alterumve libertati.

REGULA V.

Qui cum rebus suis sub Papæ Protectione suscipitur, non ideo Ordinarii sui Jurisdictioni subtrahitur.

C. 18. De Privileg.

REGULA VI.

Ubi majus concessum est, ibi minus concessum esse videtur, sive, Quod in majori conceditur, licitum videtur in minori.

C. 27. De Dec. C. 13. Qui Filii sint Legit.

Restringenda Regula ad Casum, in quo plus continet quod est minus; nempe quandò agitur de rebus ejusdem ordinis & generis, nec aliud justæ urgent rationes, quæ suadeant minus exceptum esse, quales extant, quandò Privilegium nimium nocivum sit, si minus majori jungatur.

Hinc in Privilegiorum Materia non valet ratiocinium à pari; immo nec à majori, nisi in Casu mox expresso. C. 9. de Privil.

REGULA VII.

Ab eo est facienda Privilegii interpretatio, à quo concessum est, idque tunc maximè, quandò timendum videtur, ne minus, sanè intellectum ad abusum trahatur.

C. 12. De Jud. C. 23. De Verb. Signif. C. 24. De Privil.

Hinc Sedis Apostolica Privilegia ab illâ sunt interpretanda.

REGULA VIII.

Privilegia eo modo interpretanda sunt, quo valeant potius, quam pereant.

C. 25. De Verb. Signif. C. 6. De Fide Instr.

Hinc, cum Privilegium esse nequeat Confirmatorium & Donatorium circà eamdem rem, ita interpretandum, ut sit partim Donatorium, partim Confirmatorium. Hinc rejicienda interpretationes. C. 30. De Privil. quibus admissis, Privilegia nihil indulgent.

REGULA IX.

Privilegia interpretanda sunt secundùm Multitudinis sensum Regionumque eorum, quibus data sunt, Consuetudinem.

Cap. 3. De Consang.

Hinc alias si indulgeretur alicui Nationi. Cap. 3. Cir. ut in Sexto Gradu Consanguinei invicem conjungi possent, hæc Indulgentia intelligenda erat tantum de iis, qui in Sexto utrobique erant, non de iis, quorum alter in Sexto alter vero in Secundo, vel Tertio, quandò Confuetudo terra erat, ut separarentur qui juxta unam Lineam in Sexto erant, & juxta aliam in Tertio.

REGULA X.

Non sunt ita interpretanda Privilegia, ut plus dispendii, quam utilitatis afferant Privilegiatis.

C. 33. De Privil. C. 6. De Elect. C. 61. De Regul. in VI.

REGULÆ RATIO. Quæ in favorem alicujus introducta

sunt, in ejusdem laſionem redundare non debent.

C. 25. De Verb. Signif.

REGULA XI.

Privilegium in quo quidpiam conceditur juxta præteriti temporis morem, non conditionaliter, sed causaliter est intelligendum; id est non judicandum, illud, concedi si talis fuerit temporis præteriti mos, sed potius, quia talis est,

REGULA XII.

In Privilegiis verbum generale indefinitè prolatum ad futurum extenditur.

Cap. 22. De Privil.

REGULA XIII.

Quoties plura extant circà idem Privilegium Rescripta Priora, si obscura sint, per Posteriora sunt interpretanda.

C. 25. De Verb. Signif.

REGULA XIV.

Quandò ea, quæ in Privilegiis continentur, pendunt ex Locorum Consuetudine, interpretanda sunt juxta Locorum, in quibus degunt Privilegiati, Communem Usum.

C. 9. De Septul.

REGULA XV.

Quandò Privilegium ad petitionem illius, qui accipit, conceditur, ex Forma petitionis, quæ in ipso declaratur, explicari potest, si obscurum sit.

C. 6. De Fide Instr.

Cæteræ, quæ ad Privilegiorum interpretationem pertinent, Regula collectæ sunt in Titulo De Formâ Privilegiorum circà Locutiones, quibus Privilegia conficiuntur.

TITULUS XII.

Quomodo servanda sint Privilegia?

REGULA I.

Circà Privilegiorum Observationem Quinque attendenda potissimum sunt.

I. Autoritas Concedentis. C. 2. 5. Caus. XXV. Quæst. II.

Hinc Privilegia à Conciliis, quibus praefuit Spiritus Sanctus, quorumque Canones totius Mundi reverentiæ consecrati sunt, præ cæteris servanda sunt, nec in fraudem illorum ferenda sunt Sententia. C. 26. De Privilegiis. Idem dicendum de iis, quæ Universalis Ecclesiæ consensu firmantur, nec non de illis quæ, Veneranda concenserit, & probavit Antiquitas. Hinc Metropolitanorum Privilegia ob totidem causas illæsa manere debuerint, sed præcipue Privilegium celebrandi Concilia, Majoraque sua Provincia in illis judicandi, aliavè tractandi Negotia. Hinc Privilegii Apostolicis deferri debet. C. 16. De Privil.

II. Utilitas Rei Concessæ. Cap. 2. Cit. in fine, ut in Correct. Rom. C. 9. ibidem.

Hinc servanda sunt Monachis Privilegia, quibus vel ab audiendâ in Parochiis suis Missâ, aliisque Officiis, vel à solvendis Temporalibus Juribus ab aliis, Parochio vel Episcopo debitum eximuntur; Prius siquidem Solitaria Monachorum Vita favet, removens ab illis, quam fugiunt, Dissipationis, vel Divagationis materia; Posteriorius, quam vovent, honorat paupertatem.

Hinc